

En survetsch dallas missiuns

Soras dominicanas da Glion

■ (cp) **Las soras dominicanas da Glion ein fetg colligiadas cun las missiuns. Ellas prestan dapi biars onns era lavur missiunara en diversas tiaras.** Il feigl d'informaziun «berichtet und beleuchtet», gest cumparius, stat sut il motto: «Battegius e tarmess». Il menader dalla Procura dalla missiun dallas soras da Glion, *Pius Süess*, sorta dil fatg che papa *Francestg* hagi proclamau igl october d'uonn sco meins extraordinari dallas missiuns. Tenor il papa ha scadin battegiu l'incarica da separticipar alla derasaziun dalla buna nova da Jesus. En Svizra dat ei en quei connex in'entira retscha d'occurrências.

Era la Procura da missiun a Glion dat suatientscha a quei giavisch dil papa. Ella lai vegnir a plaid sco perdetgas dunnas dalla Brasilia, dalas Filippinas, digl Irac ed ord la Svizra. Ellas descrivan sut di-

versas perspectivas co lur sentupada cun Cristus ei s'effectuada tier la lavur ella missiun e co ellas ein s'engaschadas sin quei camp. En egl crodan lur confidenza e perschasiun d'esser ina part per cuntinuar cun l'ovra da Diu. Ultra da quellas diesch perdetgas dalla missiun vegnan aunc treis projects presentai, per ils quals ins drova urgentamein agid. Tal seigi expressiun pratica d'esser participaus vid las missiuns.

Nies mund seigi trastratgs d'ina grondiusa e nunveseivla reit da solidaritad cristiana e missiunara vivida. La Procura dallas dominicanas a Glion sestenta era – cun vies beinvegniu agid – da sustener las missiuns finanziamein ed idealmein.

**Per donaziuns: Missionsprokur Ilanz
PC 70-188-7**